


7839

Della Contraction




Ce hresent inventament

AV LECTEVR, AMATEVR DE POVRTRAITVRE.

E Philosophe, qui nommoit le premier fondement de la peinture, le miroir de la mere de toutes choses, mesemble luy auoir donné vne Epithete bien honnorable, & non discordant de ses effets. Dedans quelle glace aussi, ou quel Cristal, peut-on mieux recognoistre les ressemblances des choses créces, qu'en l'industrieuse varieté de la pourtraiture? Les Corinthiens qui disent qu'vn de leurs compatriottes en fut l'inuenteur, la nommerent la seconde nature & l'ornement plus exquis de l'vniuers: à la veritéil n'y a rien (comme dict Vitruue) qui embelisse, repare, & decore d'auantage les ouurages des hommes que la Peinture, qui donne de l'enrichissement à toutes choses, sans qu'aucuns luy puissent rédre la pareille. C'est pour quoy les Empereurs anteseculaires l'ont mise deuant la Sculpture, & recherché auec despens & diligence les labeurs, & les fruicts des iournees des Peintres, qui eurent du bruit de leurs regnes, iugeas que leurs palais & leurs demeures augustes n'estoient que des bastimens, attendans la persection où la Pourtraiture espargnoit son excellence. Il se lit mesmement qu'ils gageoient des Peintres & portraieurs, qu'ils faisoient venir de loing pour faire orner de diuersitez de figures, les Colomnes, les Arcs triomphaux, & les Portaux que le pays leur erigeoit pour leur gratifier leurs ouations, & pour embellir les Temples, où ils rendoient graces aux dieux de leurs victoires qu'ils vouloient estre mises & exposees aux yeux de la posterité par ces admirables artifices. Ces considerations m'ont esmeu à ouurir les voyes par lesquelles pourroyent marcher ceux qui desirent atteindre & paruenir à la delectable perfection de la peinture. Ce que ie croy auoir faict ayant mis en lumiere les œuures de feu monsseur Cousin, homme recognu tres-capable par ceux qui honorent ce bel art, lesquelles ie te presente pour en faire ton profit, & vauancer en la cognoissance de ses perfections qui passent la Sculpture & les exercices de tous les arts, qui trauaillent apres l'imitation des choses veuës. A Dieu.

SONNET.




PROPORTION ET MESVRE DE LA TESTE VEVE DE FRONT, ET PARTICVLARITEZ D'ICELLE.

A teste veuë de front ou par deuant, se depeint par le moyen d'vn cercle ou tour de copas la moitié duquel est de ligne apparente, l'autre moitié est de ligne punctee de la ligne diametrale à niueau punctee, posant la pointe du compas sur l'extremité d'icelle, se forme le traict de la ioue d'vn costé iusques au menton par vne ligne courbe, faisant le semblable à l'opposite, se forme l'autre ioue, qui nous donne l'ouale en pointe, comme vn œuf, puis trauersant le cetre du cercle iusques à l'intersection des deux lignes courbes qui nous forment les iouës par vne ligne perpendiculaire sur icelle, faut marquer quatre mesures egales, qui sont marquees dehors l'ouale 1.2.3.4. & sur la ligne du milieu qui separe l'ouale en deux, faire les yeux ayant diuisé ladite ligne en cinq parties, sur la seconde & quatriesme partie, & l'œil sera diuise en trois parties, dont la partie du milieu sera le tour de la prunelle, comme il appert à l'œil separé marqué A, puis à la tierce mesure sur la perpendiculaire, faut former le nez de l'espace d'vn œil, continuant sur ladite perpendiculaire la quatriesme partie qui est depuis le nez iusques au menton, la faut diuiser en trois, & sur la premiere partie faut former la bouche, prenant la mesure du coin de l'œil, puis le nez iusques à la prunelle de l'autre, la formant vn arc turquois, & les aureilles depuis la ligne des yeux iufques à la ligne du nez, & la grosseur du col, de la moitié de la teste, comme il se void en la sigure où n'y a que le traict, duquel on en fait celle qui est ombragee.

PROPORTIONS ET MESVRES DE LA TESTE VEVE DE COSTE OV PROFIL, ET PARTICVLARITEZ D'ICELLE.

A teste veuë de costé ou profil, se faict par les mesmes mesures que la precedente, mais faut sur la ligne Diagonale punctee du cercle puncté, reculer le centre second du premier de la mesure de l'oil pour en auoir le derriere de la teste, puis faut tirer vne petite ligne perpendiculaire procedante de la ligne oculaire, faisant le milieu de l'ouale, iusques à la tierce partie hors ladite ouale, pour former le nez aussi: pareillement faut tirer vne petite ligne perpendiculaire du nez, ioignant le cercle puncté, iusques à la quarte partie, faisant le menton, diuisant ladite petite ligne perpendiculaire en trois parties, & sur la premiere faut former la bouche, & n'en prendre que la moitié, comme il appert à la bouche separee marquee C, & l'œil aussi se forme d'vne moitié comme la bouche, ainsi qu'il appert à l'œil separé marqué B, & le col de la grosseur de la precedente teste. Pour le regard du poil & cheueux, cela se fait à la volonté, commençant à la premiere partie d'enhaut, & auec le mesme traict, & les mesmes mesures on en faict l'autre teste auec ses ombres. and the second respective to the property of the second respect of the second respective to the


Proportions & mesures de la teste veuë de front, & de costé ou profil, & particularitez d'icelle.



PROPORTION ET MESVRE DE LA TESTE VEVE DE TROIS QUARTIERS, ET PAR DERRIERE, ET particularitez d'icelle.

La teste veuë de ce regard, qui est de 3. quartiers, faut vser de la mesme maniere qu'en la precedente, & ayant reculé ce centre second, comme l'autre, pour en faire le derriere de la teste, faut faire la perpendiculaire divisée en quatre parties sur l'extremité de la quelle perpendiculaire par le haut, faut poser la poincte du compas de la mesure de la ligne diamettrale punctee sur le cercle puncté, & en faire vne petite ligne courbe hors l'oualle du costé senestre, & rapporter la poincte du copas sur l'extremité de la perpendiculaire d'embas, pres le menton marqué O, pour en fairevne intersection d'vne autre petite ligne courbe, auec la premiere susdite marquee O, & sur ceste marque faut derechef poser la pointe dudit compas, obseruant la mesme mesure diametrale punctee du cercle, & en faire la ligne courbe punctee, procedante de l'extremité de la perpendiculaire d'enhaut, iusques à l'extremité de ladite perpendiculaire d'embas, marquee O, tant en haut qu'embas: & sur icelle ligne courbe punctee, faut tirer vne petite ligne perpendiculaire de la ligne oculaire, iusques à la tierce mesure finissante au cercle puncté, & sur l'intersection de la ligne courbe punctee, & dudit cercle puncté, faut former le nez, & diuisant la quatriesme partie depuis le neziusques au menton en trois, faut poser la bouche sur la premiere partie: mais faut noter, que la moitié de la bouche du costé de l'oreille est de la mesure entiere, & l'autre n'est que de la moitié de l'œil, à cause du racourcissement, & le col de sa grosseur comme dessus. L'aureille aussi est en la mesme espace, ioignant le traict du derriere de la teste, comme il se peut voir en la presente figure. Les marques A, B, C, c'est pour venir au plan ou ombre de la teste racourcie, comme la voyant par dessus la sommité de la teste, qui se faict du cercle premier puncté, & de son reculement du second centre pour en auoir le dérriere de ladite teste: & par mesme moyen la ligne diametrale du regard à 3. quartiers, & des yeux dudit plan, ou ombre, nous esseuons quatre perpendiculaires punctees, pour former & faire les yeux qui sont au dessus dudit plan, & par ce moyen l'œil senestre se trouuera plus grand que le dextre, à cause du racourcissement: tellemét que pour bien faire vne teste à 3. quartiers, nous faut ayder de son plan, pour en auoir ce qui est racourcy. Et le derriere de la teste veuë directement de front, se faict par la mesme reigle de la premiere teste veue de front par le visage: il n'y a qu'à retrancher le centre du second cercle sur la perpendiculaire marqué O, d'vne tierce partie de l'œil, & les derrieres des aureilles en leurs places, comme a esté declaré cy deuant: & ayant le traict de ces testes, on y adiousté les ombres selon que le iour donne dessus, & les cheueux à la volonté de l'ouurier.

Proportion & mesure de la teste veuë de trois quartiers & par derriere & particularitez d'icelle.



TESTES RACOVRCIES DE FRONT.

Remier em ent, faut vser des proportions & mesures de la teste, comme a esté declaré cy deuant sur la ligne penchante punctee, marquee par le haut A, & B, par le bas: & ayant fait la teste veüe de costé ou prosil, faut tirer lignes punctees à niueau procedantes de ladicte teste, pour en faire la teste racourcie veüe de front, observant les 2. cercles marquez d'vn O, & vn point au milieu, faisant le centre desdits cercles: & où les lignes punctees à niueau viennent à doner, saut marquer les yeulx, le nez, la bouche & le menton, l'extremité du frot, & les aureilles, come il appert par ces figures racourcies marquees de petite lettre, a par le hault, & b par le bas perpendiculairement: & de la mesme maniere & methode, faut vser aux testes toutes racourcies qui sont representees dessoubs les susdites, vsant de 2. centres marquez O, & le point dedans pour les dits centres comme dessus.

Testes racourcies de front.




TESTES A TROIS QUARTIERS RACOVRCIES.

N ces figures, se faut ayder des precedentes figures veuës par le costé ou profil, mais de la ligne punctée penchante, marquee d'vne petite croix & vn o aux 2. bouts, en faut prendre la distance & mesure pour en faire comme l'ombre des sussities testes, qui servira pour mostrer les lignes punctées perpendiculairement à la teste, que voulons figurer à 3. quartiers: & les intersections que font les dites lignes punctées à niueau, procedates des testes veuës de costé ou profil nous donnét la place & situation des yeux, du nez, de la bouche, & du menton, comme il appert par les dites sigures. Ainsi faut-il observer ausdites testes veuës de costé ou profil, sur les lignes punctées panchantes, le centre marqué o, & le poinct dedans pour faire les yeux, le nez, la bouche & le menton, observant sur icelles lignes punctées les proportions de l'œil au nez, du nez à la bouche, de la bouche au menton, comme a esté dict, conduisant les dites proportions par le compas de lignes courbes punctées pour faire pancher les testes racourcies, tant par haut que par bas.

Les 2. testes marquees A, B, qui ne se voyent à plain par le visage, mais plus par le derriere, se font comme les precedentes.


Testes à trois quartiers racourcies,



PARTICVLARITEZ DES MAINS VEVES PAR DEDANS, PAR DEHORS, ET PAR LE COSTE'.

A proportion de la main confiste en 3. mesures & proportios de nez, de la quelle mesure faut faire 3. carrez esgaux, punctez & marquez perpendiculairement, 1.2.3. dont la baze du tiers carré d'embas se diuise en deux parties esgales, pour y adiouster vne moitié, faisant une tierce partie de ladite baze marquee 1.2.3. qui nous donne le moignon du poulce & le premier doigt pres dudit poulce, montant vne ligne punctee iusques à la sommité de l'angle, le dextre du carré marqué 1. faisant une quille punctee, dans laquelle est ledit premier doigt, la grandeur du quel excede la premiere ioin cture extresme d'enhaut du doigt du milieu, en 3. parties esgalles, les 2. parties de ladite ioincture d'enhaut dudit tiers doigt, come il appert en la figure de la main, representant le dedans marqué B, & le poulce n'excede la ioincture seconde du premier doigt. Reste la quarte partie faisant le poignet, qui est la mesure du nez, dont la baze est diuisee en 4. parties, qui nous sert aux mains veues de costé. Les mesmes mesures sont observees, tant au dehors de la main marquee A, comme au dedans marqué B C, & ausdites mains de costé semblablement, y faut obseruer les mesmes mesures: mais les mains estans veues de costé, ne contiennent que 3. mesures de la baze du poignet, comme il appert aux sigures desdites mains cy dessoubs representees, marquees 1.2.3.4. sur vne ligne penchante ou diagonale, dans vne forme d'oualle, au dessoubs du poignet marqué B, & A, qui nous represente l'ombre, ou plan Geometrique dudit poignet.

Particularitez des mains veijes par dedans, par dehors, & par le costé.




PARTICVLARITEZ DES MAINS, AVEC

LEVRS PROPORTIONS ET MESVRES.


Po v racourcir les mains, faut tirer lignes perpendiculaires punctees des mains veuës de costé ou profil, marquees de leurs proportions & mesures 1. 2. 3. 4. sur lesquelles le soleil donne iusques à la ligne diagonale, marquee aux extremitez O. & renuoyer la reslexion d'icelles de lignes à niueau, punctees sous les mains racourcies, pour en auoir les ombres, desquelles faut tirer lignes montantes punctees perpendiculairement, insques aux lignes à niueau punctees, procedantes des premieres mains veuës de costé ou profil, & les intersections desdites lignes punctees, montantes perpendiculairement & à niueau, nous donnent les mains racourcies, marquees, A, B, C, D. Et tout ainsi que l'œil qui regarde les mains veuës de costé ou profil, ainsi l'operateur voit les mains racourcies par le moyen de leur ombre.

Particularitez des mains racourcies, auec leurs proportions & mesures.



En ceste sigure, se faut conduire & operer par la mesme voye de la precedente sigure, ou i'ay entierement faict demonstration de la vraye practique, de laquelle ou doit vser: mais ie vous ay representé icy les diuersitez qui se peuvent mettre en vsage, pour tous subjects de différentes veuës.


Particularitez des mains racourcies, auec leurs proportions & mesures.



PARTICULARITEZ DES PIEDS VEVZ DE COSTE', PAR DEDANS, ET PAR DEHORS, DE FRONT ET PAR LE Talon, & proportion d'iceux.

TO v s auons dit cy deuant, le pied veu de costé ou profil cotenir quatre mesures du nez, qui font la mesure de la teste, ce que nous repetos encor: mais faut derechef ladite mesure du pied marquee 1.2.3.4. diuiser en 3. parties, pour nous seruir d'yne tierce partie à la grosseur du bas de la iambe veue de costé, puis faut prendre la mesure de la ioincture du coupdu-pied marqué d'yne ligne punctee penchate A par hault, & C par bas, prise depuis le coupdu-pied iusques à la premiere ioincture du poulce, qui est la mesure d'vn nez & demy, come la baze de la main, pour en faire ladite hauteur du coup-du-pied: le petit doigt du pied n'excede ladite premiere ioincture du poulce, & les doigts suivans saugmentét de grandeur chacun de leurs ongles, iusques au doigt proche du poulce : le pied veu de costé par dehors, l'assiette & plante dudit pied est quasi à ligne droite à niueau, come il appert à la figure du pied, marqué A,B,C,&le pied veu de costé par dedans, se fait d'vne ligne concaue. Maintenant faut venir au pied veu de front, & par le talon, qui sont racourcis, & representez sous les susdits, faut pour la mesure de l'auant-pied prendre la distace de la ioincture du coup-du-pied marqué A, iusques à la moitié de la premiere & seconde ioincture du poulce marqué B, puis faut diuiser ladite mesure en 3. parties pour separer les doigts du pied veu de front, sçauoir en la premiere partie, le petit doigt & son prochain: en la 2. partie, le tiers doigt & son proche: & en la 3. partie le poulce particulierement. Et pour le pied veu par le talon, duquel la mesure est du nez, & l'auant-pied, comme en la precedante figure, & la grosseur du bas de la iambe au dessus de la cheuille du pied, est de la mesme mesure du nez, comme il sera dict cy apres.


Particularitez des pieds veus de costé, par dedas, & par dehors, de frot & par le talo & prort. d'iceux.



PARTICULARITEZ DES PIEDS RACOURCIS, AVEC LEURS PROPORTIONS ET MESURES.

Po v R auoir le pied racourcy veu de front, faut faire le pied de costé, auec ses proportios & mesures veu par le dedans du pied marqué A, & de sesdites proportions & mesures, marquees 1.2.3.4. tirer les perpendiculaires iusques à la diagonale, renuoyer lignes parralleles à niueau, pour en faire l'ymbre qui est dessous le pied racourcy, & de ladite ymbre faut faire lignes perpendiculaires, montates audit pied racourcy qui nous donne les intersections auec les lignes à niueau, procedantes du premier pied veu de costé par le moyen desquelles intersections, nous donne le pied racourcy Geometriquement, comme il appert par les figures icy representees, dont les doigts des pieds sont marquez A,B,C,D,E, & ainsi du pied veu par le talon, marqué B, pareillement le pied marqué C, qui se leue par le deuantiaussi le pied marqué D, se racourcissent par les mesmes regles & moyens que les autres dessussités.


Particularitez des pieds racourcis, auec leurs proportions & mesures.



AVTRE FIGURE DES PIEDS RACOVRCIS,

B S E R V A N T les mesmes regles que les precedentes, à tous ces pieds qui sont icy representez, ils se racourcissent tous de mesme saçon. Et saut noter que les deux pieds marquez A, B, d'autant qu'ils se voyent par dessus le coup-dupied, l'vn marqué A, & l'autre par dessous la plante du pied marqué B, les vmbres qui en prouiennent se representent par le costé, & les lignes perpendiculaires, montantes desdites vmbres auec lignes à niueau, procedantes des pieds marquez A, & B, nous donnent les pieds racourcis par leur intersections: ensemble les doigts desdicts pieds marquez, A, B, C, D, E, de sorte que ceste maniere de racourcir, est generale pour toutes les sigures qu'on veut racourcir.

Autre figure des pieds racourcis, auec la mesme mesure.




PARTICVLARITEZ DV CORPS HVMAIN TANT DV

DEVANT QUE DV DERRIERE, DEPVIS LES ESPAVles iusques aux genitoires, & proportion d'iceluy.

E corps veu de front, ou par deuant, depuis les espaules iusques aux genitoires, cotient 3. mesures de teste, sçauoir la premiere des espaules aux tetins, la seconde, des tetins iusques au nombril: la tierce, du nombril aux genitoires: la largeur des espaules contient 2. mesures de teste, & à l'endroit des hanches & nombril 2. mesures de visage, qui sont 6. longueurs de nez: les mesmes proportions & mesures fault observer au derriere, sçauoir depuis les espaules iusques à l'extremité du pallero, du palleron aux hanches: des hanches iusques aux fesses, come il est represent é par ces figures, tellement que les proportions du deuant sont semblables au derriere.

Particularitez du corps humain, tat du deuat que du derriere, depuis les genitoires, & proportio d'iceluy.




PARTICULARITEZ DU CORPS HUMAIN VEU DE COSTE' ET PROPORTION D'ICELVY: ENSEMBLE du Bras veu de costé.

A proportion & mesure du corps humain veu de costé, contient 3. mesures de teste de longueur, comme les precedentes sigures: & pour la longueur à l'endroit de l'espaule & du tetin, y fault observer, mesures de nez, comme il appert par la ligne punctee marquee aux extremitez O, & la largeur à l'endroit des hanches & nombril, est d'vne mesure de teste, comme il se voit par la ligne punctee, marquee aux extremitez \(\frac{1}{2}\): & au dessous de la fesse, fault tenir la cuisse de la grosseur du visage contenant 3. mesures de nez, comme a esté declaré cy deuant, traictant des proportions de la cuisse.

Le Bras veu par dessus à l'endroit du coude, contient vne tierce partie d'vne teste comme il appert par la ligne punctee marquee aux extremitez :. & par le poignet de la mesure du nez, marquez de la ligne punctee aux extremitez O, & ioignant la main de la grosseur des 3.parties du nez, dont les 4. font le tout comme a esté monstré & declaré aux proportions de la main veuë de costé.

Particularitez du corps humain, veu de costé, & proportió d'iceluy: Ensemble du bras veu par le dessus.




D iij

PARTICVLARITEZ DES BRAS VEVS PAR DEDANS ET DEHORS, AVEC LEVRS PROPORTIONS ET MESVRES.

E bras a de longueur depuis le mouuemet ou emboitemet de l'espaule iusques au mouuement du poignet du bras & de la main 2. mesures de teste, & la grosfeur du bras à l'endroit de l'espaule, contient 2. mesures de nez, qui sont la moitié de la teste: & au dessus du coude marqué par hault, & par bas O, cotient vne 3. partie d'vne teste, & à l'endroict du coude, & le muscle à l'opposite dudit coude marqué d'estoille par haut, & par bas est de la grosseur de l'auant-pied prise de son mouuement, & de la moitié du premier & second mouuement du poulce, laquelle grosseur est observe au genouil, comme il sera veu en la suiuante sigure: & à l'endroit du poignet marqué par hault & par bas 4. de la mesure du nez, laquelle mesure se doit observer au bas de la iambe, & les mesmes mesures & proportions qui sont observes au dedans du bras, les faut observer de mesme au dehors.


Particularitez des bras veus par dedans & dehors, auec leurs proportions & mesures.



PARTICVLARITEZ DES BRAS RACOVRCIS.

E bras estendu de son long, auec ces proportions & mesures sur la ligne à niueau, marquee A, B, C, veu par le costé, nous donne le racourcissement en ceste presente figure de trois sortes, sçauoir la premiere toute de front, marquee A, la seconde vn peu de costé marquee B, qui se voit par le dedans du bras, & la tierce qui se voit par le dehors du bras marquéC, & le moyen pour y paruenir, fault tirer lignes perpendiculaires du bras estendu de son long, iusques à la ligne diagonale marquee de deux bouts O, & renuoyer la reflexion d'icelles lignes rectangulairement de lignes à niueau pour en auoir les ombres desdits bras: mais fault observer vne consideration à sesdites ombres, comme ainsi que le soleil donne directement à plomb dessus ledit bras, aussi nous en fault-il prendre le traict pour en faire l'ombre, & de là en fault tirer lignes perpendiculaires montantes auec les lignes à niueau procedantes du premier bras, estendu l'intersection desquelles nous donne les bras racourcis que nous cerchons, comme appert par l'ombre marquee A, qui nous done les bras racourcis tout de front, marqué A, & l'ombre marqué B, qui est vn peu de costé, nous donne aussi le bras racourcy veu par dehors marqué C, lequel se voit par l'œil marqué C, & les 2. autres par l'œil marqué AB, tellement que par l'intersection des lignes perpendiculaires montantes & procedantes des ombres auec les lignes à niueau procedantes du bras veus de son long, se trouuent les bras racourcis comme on voit.

Particularitez des bras racourcis.



PARTICVLARITEZ DES BRAS RACOVRCIS, AVEC LEVRS PROPORTIONS ET MESVRES

est icy representé, est faict expres pour la tierce figure entiere veuë de costé, qui est au comment traictant des proportions & mesures. Et pour auoir la certitude du racourcissement, faut vser de la mesme regle que nous auons vsé par cy-deuant, sçauoir tirer les perpendiculaires iusques à la Diagonale marquee aux extremitez d'icelle O, & en faire les ombres comme de coustume, & desdites ombres faire monter les lignes perpendiculaires auec les lignes à niueau procedantes du bras vn peu ployé premierement faict, l'intersection desquelles lignes nous donne le racours des bras racourcis, que nous voulons representer, comme appert par les dites sigures racourcies des dits bras racourcis, & ainsi consequemment de toutes.

Particularitez des bras racourcis, auec leurs proportions & mesures.




E ij


PARTICVLARITEZ DES IAMBES VEVES PAR DEDANS ET DEHORS, AVEC LEVRS PROPORTIONS Comessiones.

A longueur de la cuisse & iambe veuë de front, ou pardeuant iusques à la plante du pied, contient 4. mesures de teste, & la grosseur de la cuisse à l'endroit des genitoires contient 3. mesures du nez, qui est la longueur du visage, marquee d'vn costé & d'autre. Ou a l'endroit du genouil marqué d'estoilles est de la grosseur de l'auant-pied, prise de son mouuement & moitié du premier & second mouuemet du poulce (comme a esté dit cy deuant) & a l'endroit de la ratte ou mollet de la iambe, est de la distance depuis le mouuement du coup-du pied iusques au second mouuement du poulce, & le bas de la iambe marqué de costé & d'autre 4. est de la mesure du nez: tellement que la grosseur du poignet du bras veu de sa largeur, & le bas de la iambe veu de front, sont de mesme mesure comme le genouil, & le bras au droit du coude.

Particularitez des Iambes veijes par dedans & dehors, auec leurs proportions & mesures.



A mesure parfaicte de la iambe doit estre de 4. mesures & grandeurs de la teste de l'homme ou de la femme, à mesurer la iambe depuis le membre viril iusques au mouuement du pied, comme les lignes punctees à niueau vous le monstrent, & que le pied aye en sa longueur vne de ces mesures, pour estre en perfection, & que la cuisse aye la mesme grosseur à l'endroit de la fesse, comme la presente figure vous le represente.




PARTICVLARITEZ DES IAMBES ET

CVISSES RACOVRCIES.

Es Iambes & Cuisses se racourcissent comme les precedantes figures, sçauoir Jen tirant des lignes perpendiculaires, punctees procedans des sommitez de la iambe & cuisse veuë de costé ou le soleil donne dessus, insques à la ligne à niueau marquee A,& renuoyer diagonalement la reflexion d'icelle à ligne perpendiculaire marquee B, par semblable distace qu'elles sont sur ladite ligne a niueau marquee A, faisans leurs termes sur ladite perpendiculaire marquee B, desquels termes faut tirer lignes a niueau punctees pour en auoir l'ombre de la premiere figure veuë de costé où le soleil donne, observant la proportion & mesure de leurs grosseurs: puis pour apres en tirer lignes perpendiculairement a la figure des iambes & cuisses racourcie au dessus de la ligne a niueau marquee A, & les intersections que sont lesdites lignes montantes auec les lignes a niueau punctees, procedantes de la premiere figure où le soleil donne, nous auons par ce moyen la figure des iambes & cuisses racourcies par le moyen de l'ombre de ladite premiere figure.


Particularitez des Iambes & Cuisses racourcies.



PARTICULARITEZ DES IAMBES ET

Forte figure est penchee diagonalement, comme appert par la ligne diagonale, trauerfant au milieu de ladite ombre, sur laquelle sont marquees les mesures, qui sont sur la
gne à niueau marquee A, procedantes perpendiculairement de la figure des iambes & cuisses
veuë de costé ou le soleil donne, & les mesures qui seruent à la iambe & cuisse ployee contre la
fesse 1.2.3.4.5. faut tirer rectangulairement de la diagonale où est l'ombre, lignes marquees 1.2.
3.4.5. pour en faire l'ombre de ladite iambe ployee: & de l'autre iambe estenduë, de la premiere
figure en faut prendre les mesures sur la ligne à niueau marquee A, pour les rapporter sur ladite ligne diagonale à l'opposite, pour faire l'ombre de l'autre-dite iambe estenduë, lesquelles ombres faites (observant leurs grosseurs) en faut tirer lignes montantes perpendiculairement à la figure racourcie, qui est au dessus de ladite ombre, & en faire intersections auec les
lignes à niueau, procedantes de la premiere figure de costé, ou le soleil donne, le reste se fait
tout de mesme la precedante reigle.

Particularitez des Iambes & Cuisses racourcies.




F ij

LES TROIS FIGURES ENTIERES ANATOMIQUES SCAVOIR LE DEVANT, LE DERRIERE, ET LE COSTE.

En ces trois figures entieres Anatomiques, nous sont representez les muscles tant du deuant, du derriere, que du costé, & les dites figures se font par l'observation des proportions & mesures, comme a esté declaré par cy deuant: & faut noter que le traict de la figure de deuant sera aussi pour la figure du derriere, de sorte que faisaut l'vn, vous faictes l'autre, quant au traict le prenat à l'opposite, & les huict espaces qui sont entre les neuf lignes à niueau, sont les huict mesures & proportions de la teste, qu'il faut observer au corps humain.

Les trois figures entieres anatomiques, sçauoir le deuant, le derriere, & le costé.



F iij

PROPORTION ET MESVRE DE LA FEMME, VEVE PAR DEVANT.

A proportion & mesure de la semme veue par deuant, est semblable à l'homme, excepté que la mesure des espaules de la semme ne contient que 2. mesures de visage, comme appert par la ligne à niueau, punctee au trauers du sein, &
par les hanches iusques aux fesses 2 mesures de teste, marquees d'vne autre ligne punchee pareillement, qui faict la difference de l'homme & de la semme: & saut tenir les
bras, jambes & cuisses, plus gros, & plus sournis que de l'home, iusques aux poignets
des mains & aux cheuilles des pieds, come appert par la presente figure: aussi ne saut
faire les muscles comme à l'homme.

Proportion & mesure de la semme veuë par deuant.



PROPORTION ET MESVRE DE LA FEMME, VEVE PAR LE DERRIERE.

E mesme maniere qu'auons faict la precedante figure, ainsi faut-il faire à cestecy, sans rien y changer quand à la mesure, sinon que observant les muscles, qu'il faut remarquer au derrière plus doucement qu'en la figure de l'homme, comme a esté dict, & appert en la presente figure.

Proportion & mesure de la semme veuë par le derriere.



PROPORTION ET MESVRE DE LA FEMME ET DE L'ENFANT VEVZ PAR LE COSTE.

A femme veuë par le costé, est de la mesure & proportion des precedentes sigures veuës par deuant & derriere, quant à la hauteur & longueur, & l'enfant de mesme: mais pour la largeur à l'endroit des mamelles, & du ventre au droit des hanches sont d'vne mesme longueur & grosseur, qui est d'vne teste, & d'vne tierce partie d'icelle: & par le fois du corps marqué d'vne ligne à niucau punctee, est d'vne mesure de teste: la grosseur de la cuisse au dessous ioignant la fesse, est aussi de la grosseur & mesure d'vne teste, les geuouils de la grosseur du col, les poignets des bras, & le bas des iambes ioignants la cheuille des pieds de la moitié du col: & le corps de l'enfant est gros d'vne grandeur de teste: la grosseur de la cuisse est de la grandeur du visage, les bras & les iambes sont comme sont les presentes figures, & la main de l'enfant est de la grandeur du visage, depuis le menton iusques aux yeux de l'enfant mesme, & le pied est de la grandeur depuis le commencement du front iusques à la bouche.

Proportion & mesure de la femme & de l'enfant veuz par le costé.



PROPORTION ET MESVRE DE L'ENFANT

A proportion & mesure de l'enfant, ne contient que cinq mesures de teste, sçauoir 3. depuis la sommité de la teste iusques aux genitoires & 2. autres comprises aux cuisses & iambes, comme appert en la presente figure veuë par le deuant & à l'endroit des espaules est de la grandeur d'vne teste, marquee aux extremitez d'vne ligne à niueau punctee O, & par le foix du corps faisant la seconde marquee d'vne autre ligne à niueau punctee, est de la grandeur d'vne teste, la grosseur de la cuisse par le hault, marquee d'vne ligne punctee à l'endroit des genitoires, est de la grandeur & distance d'vne tierce partie de 2. mesures de teste ensemble: le genouil marqué d'vne petite ligne punctee à niueau, & d'vne petite † aux 2. bouts, est de pareille grosseur & distance que depuis l'œil iusques au menton: le bas de la iambe, & le bras, sont de la moitié de la grosseur du col. Et depuis l'extremité des doigts d'vne main d'vn costé à l'autre, y a cinq mesures de teste, come a la figure, ainsi qu'il appert par ces petites marques de † commençans d'vn costé à l'extremité des doigts, puis au coude, puis à l'espaule, & autant de l'autre costé à l'opposite.

Proportion & mesure de l'enfant veu par le deuant.



PROPORTION ET MESVRE DE L'ENFANT VEV PAR DERRIERE.

A regle precedante sans rien innouer ny changer, nous seruira pour la presente figure veuë par derrière, tellement que les proportions & mesures qui sont gardees & observees en la dite precedente figure, sont les mesmes mesures de la presente: pour ce n'est besoin d'en faire autre repetition, ny autre discours, puis que c'est la chose mesme.


Proportion & mesure de l'enfant veu par derriere.



POVR LA FIGURE DE L'HOMME VEVE DE FRONT OV PAR DEVANT.

N ceste premiere sigure veuë par le deuant nous declarerons les mesures qu'il faut obseruer depuis la sommité de la teste, iusques à la plante des pieds, qui sont en nombre de
huict mesures de teste, & la teste quatre mesures de nez, lesquelles huict mesures faut
marquer sur vne ligne perpendiculaire, dont la teste fait la 1. marque, la seconde iusques aux tetins 2. la tierce iusques au nombril 3. la quatre iusques aux genitoires faisant la moitié du corps
4. la cinquies me à la moitié de la cuisse 5. la sixies me au dessous du genouil 6. la septies me au
dessous de la ratte 7. la huicties me iusques au talon & plante du pied 8. Semblable mét les mesmes huict mesures s'obseruét depuis les extremitez des doigts de la main dextre, iusques à l'extremité des doigts de l'autre main senestre: la largeur des espaules contient deux mesures de teste, & à l'endroit des hanches deux mesures de visage, qui sont 6. longueurs de nez, comme il
appert en la simple presente sigure, où il n'y-a que le traict, qui nous sert d'ordonnance ou
esbauchement, pour venir aux ombres & persection de l'autre sigure, y observant le mesme
traict & mesure qu'à la premiere. Et quand aux particularitez, nous en auons declaré plus amplement les proportions & mesures cy-deuant.

Pour la figure de l'homme veue de front, ou par deuant.




SECONDE FIGURE ENTIERE VEVE

PAR DERRIERE.

Ontinuant la seconde figure veuë par le derriere, faut pareillement obseruer les 8. mesme mesures & proportions sur la ligne perpendiculaire, & semblablement depuis les extremitez des doigts d'yne main à l'autre. Et faut noter que la mesure de la main ne contient que trois longueurs de nez, & que la quarte partie est comprise au poignet & ioincture de la main, & du bras : la grosseur de laquelle ioin-Aure est de la mesure de la longueur du nez, & à l'endroit du coude veu par deuat & derriere de la grosseur du col, qui contient deux parties de nez: les genouls sont de mesme grosseur, la cuisse par le haut à l'endroit des genitoires de la grosseur de la teste, faisant 3. mesures de nez, & venataux bas des iambes à l'endroit des cheuilles du pied de la grosseur du nez, come au poignet des bras : le pied veu de son long, est de la mesme mesure d'vne teste, comme il est plus amplement declaré aux particularitez, & comme il appert en la simple figure du traict, seruant d'esbauchement pour venir à la figure representee auec ses ombres.

Seconde figure entiere veuë par derriere.



Hij

TIERCE FIGURE ENTIERE DE L'HOMME, VEVE PAR LE COSTE'.

A tierce figure veuë par le costé, se fait par la mesme regle que les precedentes, seçauoir sur la perpendiculaire les huict proportions & mesures. A l'endroit de l'estomach & le palleron, saut observer cinq proportions & mesures du nez, à l'endroit des hanches 4. mesures duditinez, & le reste comme les susdites figures: & quant à la teste veuë de costé, est plus large d'vne tierce partie de nez que la teste veuë de front, la cuisse de costé est aussi de la mesme mesure & proportion: & pour le regard du bras qui se leue en haut, d'autant qu'il consiste en racourcissement, nous declarerons la regle & la methode qu'il faut tenir pour ce faire en temps & lieu. Le pied de la presente figure est de la mesure & proportion de la longueur de la teste, comme a esté dit cy deuat, & comme il se voit par la figure du traict simple, qui sert aussi pour la mesme figure, auec ses ombres selon que le iour donne.

Tierce figure entiere de l'homme, veue par le costé.




H jij

DEMONSTRATION DE DEVX FIGURES VEVES, L'UNE PAR LE DEVANT ET : l'autre par le derriere.

Es deux figures nous sont proposees pour demonstrer que d'une figure veuë par deuant, nous en pouvons faire le derriere à l'opposite, ou bien veuë par derriere en faire le deuant (comme il appert par ces figures) & esticy remarqué les bras racourcis marquez AB, par leurs ombres (comme a esté par cy deuant declaré) de sorte que pour avoir le racours, faut vser de la methode ordinaire.

Demonstration de deux figures veuës, l'vne par le deuant, & l'autre par le derriere.





ASSISES, L'VNE VEVE PAR DEVANT, ET L'AVTRE par derriere, toutes deux d'vn mesme traict

Roces deux autres figures cy assisses, nous est demonstré que par le traict de l'une des des figures, l'autre s'en faict à l'opposite, tellement que c'est la mesme precedent regle, & le racours des bras se faict semblablement ainsi, de sorte qu'il n'y a nulle difference entre les precedentes figures, & celle-cy.

Demonstration des 2. autres figures assises, toutes deux d'vn mesme traict.




FIGURE ENTIERE DV CORPS HVMAIN RACOURCIE DE FRONT, VEVE PAR LA PLANTE DES pieds, le ventre dessus.

Y A NT obserué les proportions & mesures de la figure veue par le costé, de son log toute estendue marquee sur la ligne à niueau 1.2.3.4.5.6.7.8. la reflexion d'icelle, & saut tirer diagonalement des lignes paralleles iusques sur la ligne perpendiculaire, prouenante de l'extremité des doigts des pieds de ladite figure, faisant leurs termes sur ladite perpendiculaire marquez 1.2.3. 4.5.6.7.8. & desdits termes faut tirer lignes à niueau paralleles à la sussitie ligne, pour en faire l'ombre de la dite figure, & sur les espaces 1. 2.3.4.5.6.7.8. faut observer ce qui est representé en la figure premiere veue de costé: mais faut tous sours vser de la cost deration que l'ombre qui en prouient est tout de front, comme si le soleil donnoit directement à plomb dessus la largeur. Et pour en auoir la figure racourcie, saut tirer lignes perpendiculaires montantes iusques aux intersections des lignes à niueau procedantes de la premiere figure, estendue de son long veue de costé, comme il se voit en ceste figure racourcie estant directement à plomb & perpendiculairement: & tout ainsi que l'œil marqué A, regarde par la plante des pieds la figure qui est estendue de son long, ainsi se voit la figure racourcie.

La petite mesure separec en 4. parties egales, represente la mesure de la teste qu'il a fallu fai-

re plus petite que la precedente des particularitez, pour faire nos figures entieres.

Figure entiere du corps humain racourcie de front, veuë par la plante des pieds, le ventre dessus.




FIGURE ENTIERE DV CORPS HVMAIN RACOURCIE DE FRONT, VEVE PAR LA sommité de la teste, le ventre dessus.

Este figure auec ses proportions & mesures, comme la precedente veuë de front par la sommité de la teste, se faict par les mes raisons & regles que ladite precedente, & n'y a nulle difference, sinon que la precedente se voit par la plante des pieds, & celle-cy par le dessus ou sommité de la teste, comme il appert.

Figure entiere du corps humain racourcie de frot, veuë par la somité de la teste, le ventre dessus.




FIGURE ENTIERE DV CORPS HVHAIN RACOVR-CIE VN PEV DE COSTE', VEVE PAR LA PLANTE des pieds, le dos dessus.

Omme nous auons monstré par cy deuant aux figures precedentes, ainsi faut il vser de semblable methode à celle-cy, & ayant faict la figure estenduë de long par le costé, le dos dessus, faut aussi observer ses proportions & mesures, comme il appert sur la ligne à niueau 1.2.3.4.5.6.7.8. & renuoyer les dites proportions & mesures par lignes diagonales sur la perpendiculaire, qui separe la figure racourcie & l'ombre de la sussitie figure veuë de costé: puis pour faire la figure de l'ombre, faut tirer vne ligne penchante au milieu de ladite figure, & y observer les proportions & mesures marquees 1.2.3.4.5.6.7.8. la premiere marque 1. pour la teste, la seconde 2. pour les espaules, & ainsi consequemment des autres iusques à la 8. mesure, & faire la figure de l'ombre comme si le soleil donnoit directement à plomb sur le dos, pour en prendre le traict, puis faut tirer lignes perpendiculaires, montantes & procedantes de la figure estenduë de son long, & veuë de costé, desquelles intersections il s'en faict la ligne racourcie vn peu de costé, & comme il appert en la demonstration de la presente singure estant veuë par la plante des pieds, le dos dessus.

Figure entiere du corps humain racourcie vn peu de colté, veuë par la plante des pieds le dos dessus.





FIGURE ENTIERE DV CORPS HVMAIN RACOVR-CIE UN PEU DE COSTE VEVE PAR LA SOMMITE de la teste, le dos dessus.

A precedente demonstration nous seruira en ceste figure racourcie, veuë par la sommité de la teste, sans rien changer: car des lignes montantes perpendiculairement procedantes de la figure de l'ombre, iusques aux lignes à niueau de la premiere figure marquee A, les intersections d'icelles nous donnent nostre figure racourcie, veuë par la sommité de la teste.

Figure entiere du corps humain, racourcie vn peu de costé, veuë par la somité de la teste, le dos dessus




K

CONFIRMATION DES FIGURES

RACOVRCIES.

Es deux figures nous sont representees pour plus amplement verisier les precedentes, & pour monstrer que tant plus l'ombre des figures est perpendiculaire, d'autant plus les figures sont racourcies, comme il appert par les marques 1. 2. 3. 4. 5. 6. 7. 8. 9. 10. 11. 12. 13. 14. sur la ligne penchante, & sur laquelle faut representer l'ombre de la figure marquee A, qui est nostre premier subject, & vsant de la regle generale, nous en auons nostre figure racourcie.

Confirmation des figures racourcies.




K ij

ADVERTISSEMENT TOVCHANT LES LIGNES ET INTERSECTIONS QUI SONT AVX figures de ce Liure.

My Lecteur, d'autant qu'il est faict mention en ce liure de plusieurs lignes & intersections, qui sont necessaires pour l'intelligence, vsage, & pratique de ceste œuure, i'ay vouluicy te representer lesdites lignes & intersections, & declarer comme on les appelle communément. La ligne perpendiculaire ou a plomb est marquee A, la ligne à niueau ou niuelee B. la ligne penchante tant d'vn costé que d'autre, autrement dite Diagonale, que les menuisiers appellét ligne à anglet, est marquee C. la ligne punctee D. la ligne courbe qui se faict auec le compas E. & la ligne parallele est marquee F. Par le moyen desquelles lignes s'engendrent les intersections suiuantes: sçauoir l'intersection de la ligne perpendiculaire, & de la ligne a niueau, qu'on dit Orthogonale, & que les Massons appellet le traict quarré, & est marquee G. l'intersection de lignes courbes marquee H. Et l'intersection de la Diagonale auec la ligne a niueau, & la ligne perpendiculaire marquee I. Toutes lesquelles lignes & intersections se peuvent faire par lignes punctees, comme il plaist a l'ouurier.

Aduertissement touchant les lignes & intersections qui sont aux figures de ce liure.



K iij

EXTRAICT DV PRIVILEGE.

PAR grace & priuilege du Roy, il est permis à IEAN LE CLERC, marchant & Tailleur d'histoires à Paris, d'Imprimer ou faire Imprimer, vendre & distribuer vn liure intitulé, Liure de Pourtraiture de Iean Cousain, Peintre & Geometrien tres-excellent, &c. auec defences à tous Imprimeurs, Libraires, ou autres, de quelque qualité & condition qu'ils soyent, de faire, ny contre-faire, aptisser, ny agrandir, ou pocher les dites figures, ny exposer en vente le dit Liure, sans congé ou permission dudit le Clerc, & ce insques au terme de six ans sinis & accomplis, à commencer du iour & date que le dit liure sera acheué d'imprimer, sur peine d'amende arbitraire, & confiscation des dits liures: & outre voulons qu'en mettant à la fin ou au commencement du liure ce present extraict du Priuilege, il soit tenu pour deuëment signissé, comme plus à plain est declaré és lettres Patentes, donnees à Mantes le trezies me iour de Iuillet 1593. Par le Roy en son Conseil.

Signé, BERNARD.

Acheué d'Imprimé ce 6. Iuin, par DLC. 1608.





Med. Hist. W2-2.50 C8673L 1608

copibiage (Inaman

= 17.4.c. NC 0750914 ([1600])

